

mit seiner bedeutung auff den gegentheil / vnd anders
 denn von mir beschehen köndte gedeutet werden / hette
 auch desselbigen erhebliche vnd beweissliche vrsachen /
 demselbigen seye zu wissen / daß er wol von oberzelten
 dingen auff ein andere weis zu reden / vnd glaubwür-
 dige bewährung fürzubringen / nicht möge in mangel
 stehen / welche auch mir zu befinden nit sonder schwer
 gewesen. Gleichwol so ich mich nit zu denjenigen / so
 mit oberflüssigem geschwätz vnd grossen geschrey ihre
 sachen bey jedermeniglichen außbreiten vnd groß ma-
 chen gehalten / oder auch solchen Leuten zu gefalle seyn
 mich beflissen / sonder die erfahrung selbst / sampt den
 rechtmessigen / natürlichen vñ vnbetrüglichen Regela /
 bringe ich / als Zeugen meiner Rede für. Vnd aller diz-
 ser dinge eygentliche erfahrung hab ich erlangt. Dann
 ich mich mit keiner andern Sache oder Handthierung
 bemühet / sondern alle meine zeit hab ich in auslegung
 vnd erklärang der Träume zugebracht / vñnd mich
 Nacht vñnd Tag damit auff das allerfleissigst geübet.
 Es bedarff aber gegen dir dises fahls keiner ferneren
 außführung / ist auch dir nicht von nöhten hievon de-
 ne meynung außzuschieben / sondern nach deiner weis-
 heit vñnd herzlichem verstandt / kanst du also bald von
 einem jeden insonderheit / ob es rechtmässiger weis-
 se geschrieben oder nicht / vrtheilen vnd
 schliessen.

Artemis